

續修四庫全書

《續修四庫全書》編纂委員會編

續修四庫全書

上海古籍出版社

七八五・史部・政書類

宋會要不分卷（兵三至方域七）

〔清〕徐松輯

校記不分卷

葉渭清撰

.....一

全唐文

宋會要

廂巡

真宗景德四年閏五月詔京城內外諸廂比差禁軍巡檢蓋穿冠盜如聞以覘事為名取求財物宜令開封府偵捕嚴斷仍安殿前侍衛司常行約束大中祥符元年十二月置京新城外八廂真宗以都門之外居民頗多舊例惟赤縣尉主其事至是特置廂吏命京府統之二年六月詔在京人戶遺火須候都巡檢到方始救發致枉燒屋先令開封府今後如有遺火仰探火軍人走報巡檢畫時赴救都巡檢未到即本廂巡檢先救如去巡檢地分遠遠左右軍巡使或本地分廂界巡檢員檢指揮使先到即指揮兵士水行人等與本主同共救發不得枉折遠火屋舍仍輪轄不得接便偷盜財物如有違犯其軍巡使廂虞候員檢指揮使並勒罪以聞其本犯人即送軍頭司引見訪聞近日須候都巡到方始下手宜令檢會分明榜示舉行違者計遺火人戶側近公私人等陳告當行重斷天聖五年六月十五日復申明前詔六年三月開封府勘宿鋪兵士三人因寒食節假貨庫衣裝賄博不勝遂謀於五鼓時伺行人繫之棄屍河流取衣裝賄博其所質帝曰太宗時巡鋪兵士不令同指揮人一處須馬步軍相參分孽緣軍分不同未相詰責責令各相覺察此乃朝廷機事何故不能遵守樞

審院可申前詔行之四月詔禁諸廂鎮搜置刑禁者至道初禁鎮將相校安理詞訴而禁無人者至是穎州廂校張珪強善牛者為盜至死刑部請申前制七年五月詔諸州廂鎮所由捕未獲用百日為三限決罰減等如景德三年三大戶條八月十九日詔京城關競願送開封府者並聽本廂巡檢不得斷決外州巡檢亦准此送所屬州府天禧二年八月詔新城裏地分巡檢兵士自今捕獲逃軍一人支錢二百賊一人支錢五百三年二月并代州走馬承受張永和等言并州城南草市闕城內民戶二千餘亦有軍營在其間止以廂四人巡邏望詔并州總管司選指使忠佐一人給兵健五人每夜警巡從之四年四月九日詔近日遺火稍多雖累條約訪聞尚有接便姦倖放火謀盜財物其救火兵士水行人等又不用心救發及捉賊人致有將擎刀斧新開門戶籠櫃般盜物色本主收救又為巡檢人員約攔不令向前或致緣燒舍屋踈失財物甚多開封府宜令左右軍巡使相界所由及密切差人緝捉放火及遺火去處賊人仍榜示許人告候獲賊勸速人不虛犯人於本處處斬一房骨肉並配逐惡州軍告事及緝捉人支賞錢一百十軍人公人更與轉三資百姓願安排者亦聽不願者更兩倍支賜如同情并受寄賊人等亦許從中首告給賞軍人與轉兩資百姓願安排者亦聽不願者

更一倍支賜並以係省錢支如止於遺火處偷竊仰收
捉劫罪仍不得的擱本主收救財物候救滅即都巡檢
等搜檢救火當直軍人及水行人等如搜捉下財物犯
人即送開封府依令條施行別處捉獲及因事彰露本
地分人員所由並當嚴斷巡檢並軍巡使亦重行朝典
十四日增遣軍王都虞候各一員巡轄新城東望火兵
士五年正月詔新城外置九廂每五百戶以上置所由
四人街子三人行官四廂典一名五百戶以下置所
由三人街子二人行官四廂典一名內都所由於軍
巡差虞候充其餘並招所由新舊城裏八廂左軍第一
廂管二十坊人戶約八千九百五十戶元街子所由行
官書手廂典共三十二人今減八人差廂典書手都所
由各一人所由五人街子二人行官十四人第二廂管
十六坊人戶約萬五千九百戶元共三十四人今減八
人定廂典書手都所由各一人所由五人街子四人行
官十四人城南左軍廂管七坊人戶約八千二百戶元
共二十人今減四人定廂典書手都所由各一人所由
二人街子二人行官九人城東三軍廂管九坊人戶約
二萬六千八百戶元共二十九人今減十人定廂典書
手都所由各一人所由四人街子四人行官八人城北
左軍廂管九坊人戶約四千戶元共二十六人今減十
人定廂典書手都所由各一人所由三人街子三人行官

七八右軍第一廂管八坊人戶約七千戶元共二十一
人今減九人定廂典書手都所由各一人所由二人街
子二人行官六人第二廂管南坊人戶約七百戶元共
九人今減三人定廂典書手都所由各一人所由三人
街子一人行官二人城南右軍廂管十三坊人戶約九
千八百戶元共二十四人今減九人定廂典書手都所
由各一人所由三人街子六人行官八人城西右軍廂
管二十六坊人戶約八千五百戶元共三十一人今減
六人定廂典書手都所由各一人所由五人街子六人
行官十一人城北右軍廂管十一坊人戶都所七千九
百戶元共二十八人今減十五人定廂典書手都所由
各一人所由二人街子二人行官六人仁宗天聖二年
正月詔自今諸處遺火如救火兵士諸色水行人等於
救火處偷取財物其巡檢人員當面捉下勘逐不虛元
捉人今開封府候斷遣賊人訖具職次姓名并賊人所
偷贓物估直錢數以聞當議於開封府贓罰錢內量與
支賜如獲偷物數多者亦別與酬獎諸色人告捉獲亦
比類申奏三年三月詔新舊城裏外左右廂巡檢自今
逐處所差巡檢人員節給兵士等逐月嚴切曉示每收
領公事並須分明依實寫定元犯因依申送投事指揮
使員僚等收到公事更切審問罪人元犯事狀申送不
得輒更虛妄添減罪狀及所領罪人除是賊盜拒捍及

亮惡人不伏收領外其餘雜犯罪人並不得非理毆打乞覓錢物四年三月詔開封府勸得親從兵士裴達御輦院即級唐政百姓丁遂田從等各詐作後殿巡察親事官并火下恐喝倉場所專典及官員僧道客旅金銀錢物已斷違政處死遂從決配沙門島遇赦不還宜令開封府每季一度出榜曉示在京倉場庫務自今有犯罪未發并無罪之人如有稱巡察公事恐喝却錢物許盡時經官陳首及收捉元犯人勘罪嚴斷更不根勘被恐喝人因依情罪並特放免如不陳首因事彰露或察訪得知其被恐喝人一例依法施行八年七月詔殿前司馬步軍司自今差在地方分巡檢禁軍將領到諸般

公事收受錢物表私放却罪人斷違後十將節級勦充長行上名長行移配近下軍巡十一月詔近日頻有遺火雖累降條約尚慮不切防慎今南郊俯通宜令開封府指揮諸官觀寺院及裏外諸廟巡檢人員等常切提舉不管疎遺如違並當極斷經赦不原十二月詔京城諸廟虞候非次為事故及逃亡者令三司衙門開封府依例權差人管勾具因依姓名申樞密院明道二年八月十三日殿中侍御史張奎言開封府日生公事多依事頭決斷欲乞在京裏外左右廟各添置授事判官一員詔令翰林學士臧度馮元樞密直學士張若谷王駿於在京或側近各舉一員聞奏

宋會要 兵三

月九日詔新舊城裏都巡檢諸處巡鋪圖二面如有可省罷分明簽貼進入乃減罷八十六鋪計五百四十六人先是京城巡鋪所占禁軍人數甚多步軍兵士尤衆不得番休故量行裁省其鋪分遠近不均者委巡檢使移那馬十年正月十三日詔諸巡捕人不覺察本地分內有停藏透漏貨易私茶鹽香礬銅錫鉛被佗人告捕獲者量予區分本犯人罪至徒杖八十至流杖一百同係知情杖六十不知情并保長不覺察者各不生徽宗政和六年三月二十九日開封尹王革上丁和營繕軍鋪錄序其文曰政和六年春某月甲子開封尹臣革奏事殿中建言臣所部都城四廂無慮若干坊坊有

微巡平合若干人數當築廬以居歲久廬壞或廢徙亡失無以庇風雨禦寒暑卒皆僑寄佗處往往託民籬下私賈販以自營訟者莫知所愬盜賊並玩施無忌憚甚不稱詔令願下將作以時繕完臣昧死以聞皇帝曰嘻弊有甚於此者邪願將作役多力弗能專汝言可績甚為朕典司之因出御府錢二萬緡下開封府如章臣既承詔鳩功揆材相方視址均遠近視要害有違有仍或因或革作以某月之甲子成於某月之甲子若干區基踴躍舊舍甲乙之次雜取旁近官寺若佛老之居以為題踰久或遷易浸失本真因一切削去訛舛冠以坊名

具綆勺儲水器暑以療喝火以濡焚書之于籍轉相付授月校季考稽比以時有可以資備預者無弗飭也先時無賴之民喜以詈訟自賢小睚眦即生廬下并原良而就拘問里重愧謝或賄守者過得釋習以為常長老苦之上謂臣革曰訟之所聽吏也今公繫而私釋之其如政何命增其禁臣因以詔旨揭諸廬上他日爭者知繫之不可以苟釋也雖威氣虛驕終相視而莫敢先訟愈益哀蓋京師者天子之所居四方之所會百官有司之所治也自唐虞三代以來所以拱衛而尊崇之咸所致嚴漢家衛士於周垣下為區廬說者謂區廬猶今之仗宿屋班固因夸言之曰周廬千列徹道緝錯此雖其

宮中之制然以內外推之宜略相準雖吾太平極盛之世可使輦轂制度有所缺而弗講歟昔者周人考牧雖薪蒸簞笠微末細碎咸所記錄周或遺漏君子之於政事凡可以為法者不厭其謹且詳也今幸賴陛下至仁加惠誰何之卒使得聚廬而託處臣謹緣聖恩泉次前後所被詔令與大所費之要凡器凡目廬之號名地之阡陌輯而成書目曰政和重建軍鋪錄繕寫奏御以待詔旨頒焉庶使來者知聖訓之所自時葺歲繕毋敢不恭他日吏欲因緣為姦有所欺欺而按籍求之可以輒得雖至於千萬年可也臣革謹序 高宗皇帝紹興二年正月二十一日臣僚言錢塘州城內相去稍遠數有

盜賊又緣兵火之後流寓士民往往茅屋以居則火政尤當加嚴雖有左右廂巡檢二人法制闊略名存而已乞下樞密院委馬步軍司措置略倣京城內外巡檢之法就錢塘城內分為四廂每廂各置巡檢一人權差以次軍都指揮使有材能者充每廂量地步遠近置鋪若干每一鋪差禁軍長行六名夜擊鼓以應更漏使聲相聞仍略備防火器物每兩鋪差節級一名每十名差軍員一名皆總之於巡檢遇有收領公事解送臨安府仍日具平安申馬步軍司本地分有盜賊則巡檢而下皆坐罪如在京法從之二十六日殿前馬步軍司言左右廂巡檢乞與臨安府都監司同共量度攤撥定作一百二

鋪計差禁軍六百七十三人內軍員一十八人丁將即級五十一人長行六百一十二人充巡防契勘係將在京住營軍兵三司分定差撥今來三司見管軍兵共係時零逐司亦當准備緩急使喚切見臨安府即今見有將兵約二千人不諫將兵一千人欲將今來合差軍兵以十分為率五分令三司分差每月一替餘五分令臨安府管認應副差撥從之四月二十二日主管侍衛步軍司公事邊順言久來東京馬步軍司管軍內馬軍司兼舊城裏都巡檢步軍司兼新城裏都巡檢近臨安府略倣京城設置鋪分及差置新城裏六巡檢昨緣順主管兩司公事兼都巡檢提舉巡警今來已差蘭整主管馬

軍司所有兼都巡檢職事欲乞依舊例與馬軍司官分隸新舊城主管詔令馬步軍司分左右兩路巡警照管七月一日臣僚言侍衛馬步軍司管軍在京分新舊城東都巡檢新城東係步軍司舊城東係馬軍司通出巡提舉逐地分軍巡人及鈴東望火人兵如有民間盜竊逐地分軍巡人等收捉一面申解開封府依法施行自來條例不曾干預管軍今奉行在分左右兩路巡檢微在京承差到緝捕使臣二人軍兵二十人充小火下不唯無補於事切緣在京不曾差破詔左右兩路巡檢差破緝捕使臣軍兵並罷發遣歸所屬二十二年十月十八日知臨安府趙士琛言本府所管地分闊遠元降指揮雜置一百一十五鋪委是鋪分稀少闕人巡警今欲更增置三十五鋪量地里繁慢分布置五作一百五十鋪應副寅夜巡警盜賊所有合添兵級乞於行在殿前馬步三司軍兵內與本府相度差撥從之 紹興三十二年孝宗已卯位未改元六月二十七日詔臨安府係甲夜巡可權罷其軍巡人所屬常切差撥數足本府除兵官巡邏外仍仰多差使臣擅點孝宗乾道元年三月二十八日權發遣臨安府薛良朋言本府與三衛所差軍巡人數分定本府地界每月均攤鋪分逐鋪止差一處軍兵不得依前混雜仍於逐司并本府每月各輪差官統轄從之三年四月十九日知臨安府王炎言契勘

本府城外四廂去巡尉解遠應接不及欲乞差臨安府城外四廂都巡檢使就城西置解字將兵內撥三十人兩月一替量行添支食錢專一往來提督城外巡尉指置警捕從之同日王炎言契勘本府軍巡覺察警捕元降指揮殿前馬步三司及本府三將差撥每月輪替今所差軍巡內有累月不換緣熟知街巷往往作過即次從獲甚多今欲乞下殿前馬步三司過差軍巡今都轄人結罪保明有行止家累之人月終盡數替換不得再差從之二十七日王炎言契勘本府城外四廂地分廣闊已差都巡檢使奉旨令更行添置今於城東添置一員以臨安府城東廂都巡檢使為名分地分於本府三將內各差三十人許帶隨身器仗巡警兩月一替從之七年正月二日臨安府言契勘本府城內外地里闊遠置立巡鋪二百三十二處每鋪差軍兵四人押鋪一名共差軍巡一千一百五十五人依元降指揮令三衛同本府差撥三衛人常是不足兼多不守行止本府見管新招禁軍三千人欲構二千人教閱外每月選擇有家累行止一千人輪差與本府所管軍兵地分巡邏庶可餘東從之九年九月十六日詔臨安府城內外軍巡可依舊差殿前馬步舊司人與臨安府將兵同共巡邏以上乾道會要淳熙七年二月七日詔臨安府城南廂官未供北廂官劉唐暨並放罷令臨安府將冒役及受

財人依條施行其公吏斟量存留外餘人並腰廂並日下廢罷以臣僚言臨安府南廂散從官家人等近有軍北廂亦不下六七十人其間多市井惡少亦有累經斷勒人吏取受各有定數又私置腰廂兩所廂典手十餘人應公事必先至腰廂關不即申解詔本府體究得實而有是命八年十二月三日詔臨安府依三衙例揀中軍兵內通融差撥諸鋪軍巡一月一替不妨教閱從守臣王佐請也九年四月十三日詔三衙差到軍兵同臨安府將兵探拈地分軍巡一季一替從守臣王佐請也十年十二月四日詔臨安府添置兵官一員以本府言在城八廂惟左一地分散闊所管四十鋪內一十五鋪坐占山嶺比之諸廂地分最為遙遠兵官巡警力不能周深慮隱匿姦盜乞添置一兵官令左一南廂左一北廂分認地分送部勘當而從之以上孝宗會要紹熙二年六月二十八日臨安府言據城東諸巡檢使高琮申外沙巡檢使沿江止二十五鋪各軍兵五司地分闊遠戶口繁多足力不及今乞於塘勝匯馬婆巷兩處地分各增置一鋪從之以上光宗會要嘉定十年十一月二十八日臣僚言近者都城內外有白晝攫人飲食者有掠去婦女釵釵者又有暮夜於衢巷剝人衣裳劫奪財物至毆傷者聽聞駭異動搖人心非所以示四方而戢姦宄也乞下臨安府於曲巷小徑更添置廂鋪

燈火仍嚴督巡邏竄逃者必明立賞罰限日追捕庶幾京城肅靜從之十一年正月六日楚州言城外舊有西北兩廂官靖康胡騎蹂躪俱廢紹興復置遂亮犯淮兩廂官及教授山陽簿俱不置至淳熙二年始復教官山陽簿如城北廂官則以北神監鎮兼領若城西廂官則因循不復緣其地接連諸湖向來湖海之叛羣小已並緣劫掠今雖無他不可以全無警邏合復置城西廂官一員容本州路遂經任有材力人選辟一次從之

三
百
四

宋會要

高宗建炎元年六月十七日樞密院言河北河東京東
西京畿要害控扼及附近去處每縣各添差武臣縣尉
本縣指使各一員招置土著有家產戶籍人充弓手以
五百人為額縣大民衆調度有餘者更許增置不得過
一千人並知縣兼領內沿邊知縣仍差武臣詔弓手五
百人神臂弓一百人上等二十人各兩石八斗中等二
十人各兩石六斗下等六十人各兩石四斗短搭神臂
弓一百人上等二十人各三石四斗以上中等二十人
各三石二斗以上下等六十人各三石以上弓箭手三
百人上等六十人各一石一斗以上或馬射九斗中等

卷之三

六十人各一石以斗或馬射八斗下等一百八十人各
九斗以上或馬射七斗以上並兼習長槍袖棍於內隨
宜差兼牌手以充教習每州四縣以上置軍將領一
員部將一員總領每旬遍諸縣教習遇統弓手人馬出
入依將法不及四縣令帥司措置以隣近縣分兼隸雖
不及四縣而人數及二十人者依四縣法更不兼附近
別縣弓手三等月給每人米一石食錢上等二貫五百
文中等二貫文下等一貫五伯文每五百人置都頭二
人總轄十將五人分官一百人左將虞候五人右虞候
五人左承局五人右承局五人左右將虞候承局每人
分官二十五人押官五人分官一百人差發事管轄人

有關先取有功人差填如無有功人於武藝內試高強
人充長行填下名押官至都頭並次第升填若獲賊頭
依大教法每一級轉一資若都頭獲級本州保明重功
賞輕重更不理年限特與出官如射得兩石五斗以上
弓上等神臂弓一百二十步短搭上等神臂弓一百步
箭六隻皆上垛三中帖押解赴帥司保明解赴關再試
換承信郎弓手教頭無公私過犯馬軍滿五年步人
滿七年並換進武校尉如招置教足委是土著人戶武
藝及格州縣應副錢糧足備本路帥司保明聞奏特優
典推賞 同日詔江淮兩浙路招置弓手一切體格並
依河北河東京畿等路已降指揮疾速進行大縣以三

卷之三

百人小縣以二百人為額小縣更不添置指使餘依已
降指揮施行 十二日臣僚言乞諸郡縣招置弓手依
雄州歸信容城縣法以有物力人充每縣置武尉一員
七月十四日詔創置弓手差武臣縣尉一員專一總
領不得預縣中差使 十五日江南東西路經制使翁
彥國言禁軍闕額錢望下諸路須管據闕額錢依條椿
簇雖無舊積自此月有所入歲有所積可以速久應副
增置弓手廣費詔以應免役寬剩錢并兩禁軍闕額錢
五色田租課錢裁減曹掾官錢胥吏散從官手力雇錢
充增置弓手 十一月十二日知光州任詩言今承招
置弓手條訓習武藝以備使喚之人如州縣官司輒役

使並從私役禁軍法所置弓手如輒非理喫酒賭博錢物欲依禁軍法所置弓手合用神臂弓短棒弩袖棍槍牌之類并衣甲等除神臂弓短棒弩欲令屬縣計置材料赴州作院製造給降外有袖棍槍牌衣甲等令逐州降樣下縣置造應副行使弓手排補遺轉本轄人及當衆人吏乞覓錢物並從賦法其弓手輒敢無故下村以捕賊為名挨搜人戶乞覓錢物欲並依強乞取法如聚衆作鬧扇強人戶情理巨蠹者依軍法令逐逐置弓手每遇將領教習若不立定激賞則無以為勸欲取其武藝高強人每名欲支一兩銀梳一隻小縣不得過兩隻大縣不得過三隻其次事藝高強者支半兩銀樣子

卷之三

三

一片小縣不得過二十片大縣不過三十片乞每月一次支給仍每上下半年委本州通判同將領詣縣按閱例物依大教法已降指揮招五百人續降指揮招三百人或二百人窮詳法意謂恐錢糧不足民戶雖然淮南控扼要害處人戶若有願召募五百人協禦盜賊者欲特降指揮如錢糧有餘小縣所召募人不得過五百人大縣不得過一千人行下處得州縣緩急可以守禦詔徙之 二十五日臣僚言添置弓手立法不可不行於福建大縣止添三百人中縣二百五十人下縣二百人且如建州七縣并舊額弓手可得二千餘人訓練有方統領得人豈復有盜賊之虞以京東西等處添置弓手

法付與新除福建路運判謝如意令至本州同提刑司措置勘會福建路除建州邵武軍南劍州汀州及管下諸州已降指揮添置到外詔本路未措置去處已降指揮將免役寬剩錢并廂禁軍闕額錢五色田租課錢裁減曹掾官錢胥吏散從官手力雇錢計可以贍養之數招置并從之 十二月三十日廣南西路經畧安撫司言本路邊面比之他路最為凋遠雖額管東南兩將及諸州不係將軍兵人數即目例皆額闕一半及朝廷添差米荆湖南北江東西等軍兵在本路出成分布沿邊州軍防拓其間大半逃亡死損止十有三四人乞依京畿等路招置弓手望下本路同共提刑司將元降畫

卷之三

四

一參酌以土俗人情相度措置招置取旨施行詔依仍令廣南東路仰本路經畧安撫司相度如可以招置亦依此施行 二年五月二十七日臣僚言湖南北路本荆楚之地人素勇悍可用欲乞並令招置弓手推行新法將領巡歷諸縣按試其縣尉即不將帶弓手前路迎送自今指揮下白戶絕迹田屋業並係籍拘收專應副弓手錢糧等支用其有願給田產不請官中月給錢糧者每名聽給田三十畝願養及格馬者增給二十畝官戶役錢舊法比民戶減半今來招置弓手以禦暴防患與其他徭役不同官戶所賴尤重欲令官戶役錢更不減而民戶比舊役錢量增三分專撥管以助養給弓手

分為三等下等月給錢一貫五百文初役民人只支下等錢日計得錢五十文省故投名者少乞每名添支錢一貫五百庶易招集仍可責辦所習兵器所用衣甲雖有定制如遠方土俗各有所宜許將領官詳度按試可以便於戰鬪者權宜施行仍具奏聞所差將領等官並以三年為任如得其人不許移易勞效昭著即就任加秩褒賞朝廷有指會會合並令本路本縣官統領自為隊伍不許分隸別將庶幾上下相安同心協力可濟事功詔逃田以有指揮外其給田以水陸色額不均今逐路提刑司相度開奏月給錢每等遞增五百文餘並從之八月十一日詔新額招置弓手令逐路提刑提察

卷之三

五

仍具訓練招置次第申尚書省從兵部尚書盧益請也九月九日尚書省言諸路弓手土兵多是監司州縣非緣巡捕盜賊輒行差占致妨教習及有違呼勞費緩急有誤差使詔今後除依條合差數外若不因巡捕盜賊即不得勾抽差占如遇會合並令巡尉部領前去仍不許時零抽差如違仰逐路帥臣按劾聞奏重寘典憲十三日兩浙西路安撫司言招置弓手每州四縣以上置準備將領部將各一員教習統弓手人馬出入依將法不及四縣令帥司措置以鄰近縣分兼隸今來杭州已有七縣更令兼隸嚴州桐廬縣即計八縣地里南北大段遙遠望更置準備將領部將各一員將兩州八

縣分隸教習所責每旬可以遍詣緩急聽領出入不致悞事詔更添置準備將領部將各一員其諸路若一州係八縣或不及八縣以隣近縣分合兼隸及八縣以上並依此添置十二月五日太平州言諸州增募弓兵應募人若非特免身丁量減科率則願投者少詔令尚書省立法今擬修新置弓手聽免本身丁役從之三年正月二十五日臣僚言添置弓手州縣但欲招募教足往往半是小兒或老病者每至州官李縣監司巡按則以私身替名上教僅同兒戲望委鄰州通判遍詣逐縣子細揀選如有老弱不能披帶之人即時放罷別行召募已揀中者即於左手背上刺揀中弓手四小字為

卷之三

六

號將已揀中者本縣置籍兩扇籍定鄉貫姓名年甲入月日所習事藝同所委官繫衙印押訖一本送本路安撫司一本留知縣廳收掌遇開收躬親對簿銷鑒每月具人數姓名申安撫司照會獨貼訪新置弓手遇教習輒令人代及代之者各杖一百官轄人容縱與同罪失覺察杖六十餘並從之二月十八日知明州沈晦言新募弓手欲逐州專委郡守嚴實教閱去其流寓汰其怯弱限半年補足從之六月九日樞密院言添置弓手多與舊置弓手不務協和却分彼此若有緩急必致悞事詔將京畿諸路添置武臣縣尉將領等官依舊通行總領部轄添置縣尉亦與舊置縣尉通管職事仍令

逐路通判通詣所管縣分將年老弱不堪使喚弓手使
行揀放今後即不得將不堪使喚之人亂行招填關頭
枉費錢糧其未盡事理仍令京畿提刑司逐路安撫鈐
轄司將新舊弓手條約續降指揮子細參酌條具經久
可行事狀聞奏 十九日朝請大夫王梅言諸州新募
弓手請受差使不同事多抵牾緣行之累年難遽廢罷
乞下逐路提刑司令逐州知通外縣即令佐公共揀選
其老弱疾病事藝生疎之人量行揀放三分之一更不
招補仍不得却將強壯之人妄有減放如有冒濫許令
越訴其未及元額去處更不補填從之 八月六日知
樞密院事御營副使宣撫處置使張浚言舊置弓手請

太公三王

給止有在錢無米其新置弓手各有錢米今既令新置
弓手撥併與舊弓手一處聚同差使望將諸路新招弓
手荷給並依舊弓手則例支給施行從之 閏八月二
十三日兩浙路提點刑獄公事王翺言兩浙東西路新
舊弓手以七十縣言之約計大小縣除各留百人外可
起二萬餘人昨自王梅申其老弱疾病事藝生疎之人
請乞減三分之人每縣大不過三百人小不過二百人
通起土兵共約可起一萬五千餘人若使防秋緩急以
當一路差委使統制官得人精銳驍勇不在五軍之下
欲乞浙西令平江府憲臣差撥浙東令本司差撥仍乞
各差曾經出戰大小使臣不以有無違礙抽差充統制

官遇有防秋緩急即行起發詔依常切訓練聽候勾抽
使喚 十月初一日臣僚言吉州所管八縣新置弓手
見今所管八百餘人依近降指揮揀放三分之一見存
不過五六百人而武尉指使八縣共一十六員將領部
將四員以五百人之弓手而部轄官二十員當直差使
尚自不足教閱事藝何暇及之乞少加裁減詔部轄官
減半其餘州縣準此 二十一日知湖州張虞卿言湖
州路蕪水陸管下長興縣四安鎮最係水陸衝要乞添
置賊尉一員選曾經戰陣材武人差充依舊法置弓手
一百二十人就四安鎮專一控扼水陸盜賊仍不許諸
處抽差從之 四年正月二十四日樞密院言江南東

奉今三王

路提刑司申本路州軍多有直差外縣巡尉入城防拓
應管弓兵盡數帶行以致居民未嘗安業羣小乘隙作
過令往往棄城逃避倉庫官物為之一空乞重立法
禁戒逐州不得妄起屬縣弓兵所貴可以禁戢姦盜慰
安細民詔如遇本州差撥不得過一半 十月一日樞
密院言朔置弓手添差使臣本以禦寇訪聞過往官吏
例於所屬出給文牒於沿路巡尉差弓兵以防護為名
差使頻併多致逃亡詔令諸路提刑司出榜嚴行約束
如有違犯之人密具職位姓名申樞密院取旨重作施
行 十一月五日廣南東路提刑司言南雄州保昌縣
元額添招弓手二百人始興縣一百人各置武臣縣尉

一員後准朝旨減三分之一保昌縣見管三十六人始興縣一十二人今來南雄州係當二廣之衝常有虔南信豐等處賊徒作過已申乞存留兩縣武尉一面招填見關弓手以脩使喚其詔連州抵湖南路潮循梅封州接近福建廣西等路各是控扼去處亦合依南雄州路存留武尉及招填見關弓手詔依其揀放三分之一關額處更不補填指揮更不施行 十六日詔諸路舊置弓手節級立功轉資與比附新置弓手押官名目上轉行 二十八日江南東路提點刑獄司言諸縣新添置弓手乞置將領部將各一員饒州南康軍將領部將各一員撫州建昌軍將領部將各一員池州太平州將領

奏今三夏

九

部將各一員宣州廣德軍將領部將各一員從之 紹興元年十月十六日福建路轉運判官魯唐言諸州申明或乞罷武尉或乞罷指揮使或乞罷先到人或乞候軍期事畢日減罷顯屬廷延虛費廩祿乞明降指揮應州縣新置弓手及六十人以上即存留武尉減罷指揮使若不滿六十人即減罷武尉存留指揮使一州通及五百人即存留將領如不滿五百人將領部將並減罷應州縣有所遵守詔依內見任合減罷人候任滿日更不差人 四年正月二十四日尚書省言諸路州縣新置弓手見一尋支破產錢據諸處陳請新弓手多有不堪使喚之人乞行廢併并舊弓手乞減支產錢添破糧米錢

塘縣舊弓手減三分之一雇錢并新弓手並罷每人却添米七斗五升又慮諸州縣人數多寡不一欲令提刑司依做錢塘縣支破新弓手減罷雇錢等各據減下錢數先會計支舊弓手雇錢及收罷舊弓手米外將餘錢於內量行稽留准備向去米價增長貽助收糶所有其餘剩錢仰紐計合贍養人數額外增置仍將連州縣數目逐一開具限十日申樞密院詔並依內新弓手撥併陳廢限十日施行了當其所支米斛以今來指揮到日月分限次月為始支給先是江南東路提點刑獄司言新置弓手員額後來朝更見言昨若添置武尉弓手不滿六十人乞罷武尉或罷指揮使或乞罷先到人或乞候軍期事畢日減罷顯屬廷延虛費廩祿乞明降指揮應州縣新置弓手及六十人以上即存留武尉減罷指揮使若不滿六十人即減罷武尉存留指揮使一州通及五百人即存留將領如不滿五百人將領部將並減罷應州縣有所遵守詔依內見任合減罷人候任滿日更不差人 四年正月二十四日尚書省言諸路州縣新置弓手見一尋支破產錢據諸處陳請新弓手多有不堪使喚之人乞行廢併并舊弓手乞減支產錢添破糧米錢

奏今三夏

十

手員數之多但見提撥之害過於補之利也今乞以新舊弓手合為一營並罷武尉指揮使等職其舊弓手員額內實有材武堪任者雖係舊弓手亦聽其充以充免受受換提點令兵部勘當中尚書省至是上言 四月二十八日吏部言已降指揮弓手准備將領欲依舊存留令每季通詣諸縣教閱務要武藝精熟其武尉指揮使可以廢罷本部即未審今來指揮係止為將諸路州軍新置弓手及五百人去處見任將領依舊存留惟復將應干州軍元置寨關弓手不及五百人去處一例存留將領詔諸州軍並領依舊差置弓手准備將領一員 十月二十二日樞密院言諸路州郡差置將領巡尉總領教閱弓手以防魁盜訪聞州縣止是縣官使令

殷孽骨肉防護逃避緩急全不為用詔令諸州弓手准
備將領所管縣尉如敢更似日前私有侵使及借情差
占并殷孽骨肉防護逃避之類並仰提刑按劾聞奏
五年正月十六日詔諸路州軍弓手選人材少壯以十
分為率取五分專一教習弓弩手內弓八斗以上弩二
石七斗以並須施放精熟每旬委守臣按視量與支賜
令逐州選差兵官同巡尉措置教習委逐路提刑司歲
終比較精粗保明聞奏其當職官依旨陞擢如弛慢不
職重行黜責 二十六日知湖州陳興義言教閱弓手
弓弩除馬程歸安縣係倚郭外其餘長興等四縣各係
外縣及湖秀管界等五處巡檢係在鄉村駐劄即不在

卷之三

二

州縣城郭窳廢難令兵官出城教習欲將弓手就委六
縣尉每旬知縣按視每月令本州弓手准備將領通諸
諸縣教閱土兵就委巡檢每月就本縣差官一員前去
按視仍每季發遣赴州委守臣按拍量與支賜詔依其
餘州縣依此仰諸路安撫提刑司常切檢察施行如有
違慢去處按劾聞奏 四月一日兩浙東路安撫司言
紹興府嵊縣弓手每季起發赴府按拍不唯緩急之際
本縣關人防托緣往來道路聚費極重乞與免發赴府
從本府每季差官下縣按拍照依通判李熙日一就按
迫施行餘依已降指揮諸路逐縣依此 二十一日江
南西路提點刑獄司言本路有兩員縣尉去處謂如建

昌軍南豐縣兩尉廨宇相去縣郭八十里若每旬令知
縣前去按視恐晷日在外妨廢縣事或令縣尉遇按
視將帶弓級前來赴縣亦慮往復有妨教閱今欲比附
巡檢例就縣尉逐日教閱准備將領每月前去按視所
貴各不致妨廢職事詔令本縣每月委官前去按視餘
路若有似此去處依此施行 五月三日知和州皇甫
彥言團結到弓兵雖合守臣使喚窳廢緩急難以統率
乞聽守臣節制從之 十二年七月五日詔諸州軍添
置諸縣教閱弓手准備將領自今後並差大使臣年五
十以下應材武親民資序無贓罪及私罪重有舉主二
員人充諸路安撫司詳差准備將領准此其日前已差

卷之三

三

下小使臣充逐件案關未赴任之人依省罷法已列任
人且令終滿令任 十五年閏十一月十二日夔州路
提刑兼提舉常平司王利用言本路諸州屬縣昨緣軍
興之際添置弓手其數頗多今軍事寧息理合減損數
內夔州係四州會口并其餘沿邊去處難以裁減外有
恭涪忠萬開達州梁山軍大寧監皆係近裏欲將上件
八州軍舊管并添置弓手一千五十五人數內隨縣分
大小量減三分之一從之 二十年十一月十七日臣
僚言諸路州軍諸縣教閱弓手准備將領昨緣軍興一
時添置今既寧息兼所管弓手自有本路憲司并巡尉
教閱別無所掌職事乞罷上件案關詔依未赴人依省

六

冬十二月

VE

五人見括開額

以上軍弓手員額今本州郡縣官錢置造弓弩刀甲
日逐教閱安撫無刑獄巡行按試故有是品
二月八日知臨安府周濂言本府諸縣額管土軍一千
三百六十六人開四百五十五人弓手七百八十二人
三月二十八日知臨安府姚憲言巡尉所管弓手土軍
本為巡捕盜賊往往多被占破他役以致捕盜之時人
力不勝欲將本府管下土軍弓手令逐處巡尉盡行拘
收歸寨從本府添置軍器常切教閱專一巡捕私盜賊
盜不得他役本府不時差官遍詣點檢按閱如有占破
他役去處及教閱怠惰從本府按劾施行從之 五月
四日詔令諸路提刑司行下所部州縣遵依已降指揮

恭公三夏

七

將弓手精加教閱每歲躬親前去點檢拍試具有無事
藝陞進退置籍申樞密院以起居舍人范成大疏
手捕獲私盜等力不敵為所殺傷正以手軍弱射司
如此伏見諸州縣軍弓手不測於逐州點檢之弊下全以姓名事
實錄此州郡皇恐奉水蠲不敵占留難役及不敢一日在核
不教場若欲痛手之之英亦當依禁軍造籍開具
姓名及所執事藝手力細數上之於兵部或經一次取
籍教試以一二縣實將數名閱官及縣尉重作賞罰
廢格故有是命
七年二月二日帶御器械王明言得旨前去江南西路
諸州軍點檢土兵弓手其能弓弩武藝者十無二三
尉往往不曉軍旅竊見諸州軍多有軍中揀汰之人每
處添差一員專一訓練以上分為率五分習弩三分習

恭公三夏

六

弓二分習槍揀汰老弱招收強壯填闕詔依土兵令逐
路安撫司弓手令逐路提刑司將見今闕額行下逐州
限日近招填數足添差訓練官請給按月批勘不啻拖
積 二十八日兩浙西路兵馬鈐轄張存言得旨點檢
臨安府土軍弓手揀到強壯第一第二等及老弱病疾
五等卑名年甲外照得土軍外沙等一十三巡檢司額
管一千三百六十六人見管一千六十四人見闕三百
二人弓手錢塘等九縣尉司額管七百八十二人見管
七百三十九人見闕四十三人詔令臨安府守臣將老
弱病患入限一季盡行抵換少壯及等堪披帶之人毋
致依前違戾具已抵換人數姓名申樞密院差官覈實
見闕人額疾速招填務要日近數足仍責令教習弓弩
事藝諸路州軍依此施行 六月八日宰執進呈劉源
點檢到湖南弓手土兵上覽其數曰他日亦足以助大
軍聲勢其怯小老弱者令州郡招人抵換虞允文奏曰
湖南有可招之人乞限以季一梁克家奏曰須令各路
依將兵例分番教閱既得事藝精熟他日調發亦不駭
也上曰甚好 七月十九日宰執進呈帶御器械統轄
訓練土軍弓手王明等具到浙東西土兵弓手教上曰
兩路有萬餘人莫可起發教閱否虞允文奏亦可依將
兵體例發赴行在教閱上曰請給如何允文奏須朝廷
應副且土軍弓手所請甚微此間支口食錢米則本身